



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput VI. Idem Abbati , & Conventui (a) Sublacten.

---

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

instituti; unde æquè ac seculares capaces sunt regiminis cuiusque Ecclesie, etiam secularis. Quam rationem insinuavit D. Thomas 2. 2. quæst. 189. artic. 8. & illustrat Pennotus dicit. cap. 72. num. 1. Secunda, & potissima provenit ex eo, quia non repugnat tale regimen Ecclesia secularis canonici regularibus, ex vi professionis illorum: tum quia illi hoc aperte exprimunt tempore sue professionis, ut constat ex lib. 1. suarum constit. cap. 42. ubi hæc verba exprimuntur: *Et quod nunquam absque licentia Capituli generali, vel ejus auctoritate fungentis aliquod cum cura, vel sine cura beneficium acceptabo, intus, vel extra ordinem nostrum renunciando omnibus iuribus & privilegiis, & consuetudinibus in contrarium nisi competenter, vel quomodolibet competituris.* Unde jam olin, & nunc habita licentia à Superioribus collationes beneficiorum secularium plerisque fieri legimus apud Pennotum dicit. cap. 72. & Dubalem *spræ*, qui pluribus exemplis hanc proxim firmant, & illustrant.

*6. Dissolvi-  
tur du-  
bitandi  
ratio.*

Nec obstat dubitandi ratio suprà expensa; nam licet verum sit, beneficia regulare regularibus, & secularis secularibus conserui debere, tamen circa personas regulares, & quænam illæ dicantur, ut beneficia secularia obtinere non possint, non constat apud Interpretes, ut vide- re est apud Barbosam in remiss. ad Concil. Trident. dict. sess. 14. cap. 11. P. Mendum de Ordinibus Milit. disput. 11. quæst. 4. per rot. ubi de religiosis militaribus agit. Et licet juxta principium illud canonici regulares, qui monachis in omnibus ferè aquiparantur, admittendi non essent; tamen quia, ut a Innocentius in presenti, regulam laxiore profitentur, non comprehenduntur superdictâ prohibitione, nec appellatione regularium, quoad hunc effectum, veniant; quod declaravit Innocentius III. in presenti, qui consultus fuit, non ut dispensaret cum Plebano sancti Gabini, ut vulgo creditur; sed ut exponeret, interpretareturque prædictam prohibitionem Concilii Lateran. relatam in cap. 2. hoc titul. Nec obstat primum augmentum dubitandi rationis; nam illud procedit in monachis, qui olim ad sacros ordines non ascenderant, immo per clericos seculares regebantur, ut probavi in cap. 2. *spræ*, hoc tit. Canonici vero regulares ex sua institutione clerci sunt, & ita legitimi ministri sacramentorum; quare illis recte commendari potest regimen Ecclesie secularis juxta suam professionem. Nec etiam obstat textus in dict. cap. super eo de regul. nam ibi agit Summus Pontifex de illis religiosis, qui post suscepitum habitum professionis intendunt illum demittere, & in Ecclesia deservire, etiam in habitu clericali seculari; quod omnino improbat Pontifex: at canonici regulares retento eodem habitu, & observata vita regulari, possunt Ecclesiis secula-

tibus præfici; unde nulla est desertio proprii habitus, seu professionis. Nec tandem obstat textus in dicto cap. andientiam; nam Honorius in ejus specie agit de monachis prohibitis in Concilio Lateran. relat. in cap. 2. hoc titul. extra monasterium vivere: sed canonici regulares non comprehenduntur prædictâ prohibitione Concilii Lateran. ut Innocentius in presenti declaravit: igitur Honorius III. non est exaudiens de ipsis canonici regularibus. Prosequitur latius Garana in presenti, qui opponit, & exponit textus in cap. final. de capel. monach. cap. in parochia 16. quæst. 1. cap. quorundam 6. 74. dicti. cap. sicut 3. de simon. cap. ad nostram. de confirm. utili. Hac procedunt jure communī attento. Nunc examinandum venit, an infœcta iuri novissimo Concilii Trident. liceat Canonici regularibus beneficia secularia possidere? Et non licere, probant Mandolius in præc. signat. titul. de dispens. monach. Ojeda de incompatib. 2. part. cap. 24. num. 2. Germonius de induit. Cardin. regularis, num. 46. Felinus in cap. in nostra, de re script. num. 44. Fulcius de visitatione libro 2. cap. 15. num. 79. Barbosa in presenti, & in summa Apofol. collect. 102. num. 9. Gonzalez ad regulam 8. Cancel. glof. 8. num. 33. Thom. Sanchez lib. 7. summa, cap. 29. num. 71. Fatinus ad Trident. sess. 14. cap. 11. Riccius in præc. de vis. 159. part. 1. Garcia sibi contrarius de benef. part. 7. cap. 10. num. 9. Moventur auctoritate Concil. Trident. dict. sess. 14. cap. 11. ibi: *Sicut non in regularium fuerit, ad beneficia secularia e. curata omnino incapax existat.* Et declaratione Gregorii XIII. quam refer Thom. Sanchez ubi *spræ*. Contrarium vero, immo canonici regulares hodie capaces esse beneficiorum secularium, tenuerunt Navarrus ad titul. de preb. confil. 9. num. 5. & ad hunc titul. confil. 11. Gratianus discept. forser. tom. 1. cap. 13. num. 22. Franc. Marcus 1. part. decision. quæst. 481. num. 6. & 1281. num. 2. Selva de beati 3. part. quæst. 70. Bertachinus de Episcopo part. 1. lib. 2. quæst. 39. Lambertinus de jure patr. part. lib. 2. in princip. quæst. articul. 19. num. 7. Hieronymus Garcia tom. 1. difficult. 5. dub. 5. punct. 1. numero 13. Tambutinus, & Pennotus *spræ*, Dubal, ubi *spræ*: quorum fundamenta congesit latè, & doctè D. Jołephus Barro Salgado in *suppli. ad Magnum Philippum pro Canonici regularibus*. In qua opinionem varietate credo, validè, & licite posse canonici regularibus beneficia secularia etiam curata conferi. Sed quia hæc quæstio adhuc decisiva non est per Seclum Apostolicam, et si sapientia disputata in sacra Rota, ne hujusmodi beneficia canonici regularibus collata, ut vacantia impetrarentur, optarem hujusmodi declarationem peti à Romano Pontifice.

## C A P U T VI.

Idem Abatti, & Conventui (a) Sublacen.

**C**um ad monasterium Sublacen. personaliter venissimus. *Et infra:* Firmiter inhibuimus, ne quis de cetero monachorum lineis (b) camisiis uteretur. Ad defecum autem hospitalitatis supplendum, mixturam unius molendini concessimus, amphora pro

pro tempore concessuri ; ita tamen , quod ad necessitatem pauperum sublevandam eleemosyna (c) cellario conferatur. Nos autem præfasas Ecclesiæ , qua clericis secularibus (d) in beneficium fuerant assignatae , ad usum revocavimus infirmorum , concessionem Hospitalis , quæ facta fuerat Episcopo Anagnino , iritam decernentes , & statuentes , ne quicquam ulterius in beneficium concedatur , sed Infirmary disponat de illo Ecclesiæ prout ad necessitates infirmitorii magis noverit expedire. Prohibemus ergo distractè in virtute obedientiæ , sub obtestatione divini judicij , ne qui de cætero monachorum proprium aliquo modo possideat : sed si quis aliquid habet proprii , totum in contingenti regnnet. Si verò post hanc proprietatem aliquam fuerit deprehensus habere , regulari admonitione præmissâ de monasterio expellatur , nec recipiatur ulterius , nisi pœnitentia secundum monasticam disciplinam. Quod si proprietas apud quemquam inventa fuerit in morte ipsa , cum eo in signum perditionis extra monasterium in sterquilino subterretrur , secundum quod B. Gregorius narrat in (a) Dialogo se fecisse. Abbas tamen , & Prior frequenter inquirant , & diligenter explorent , ne quis fratum proprietatem possit habere ; unde si quicquam alicui fuerit specialiter destinatum , non præsumat illud accipere , sed Abbat , vel Prior , aut Cellario assignetur. (f) In oratorio vetò , (g) refectorio , (h) dormitorio continuum semper (i) silentium observetur : in (j) claustro quoque certishoris , & locis , secundum antiquam consuetudinem monasterii laudabiliter observatam , sed modò laudabilius observatam. In refectorio verò nullus omnino (k) carne vescatur , nec in quibusdam (l) solennitatibus , sicut aliquando fieri consuevit , Conventus exeat cum Abbat , paucis ibi relictis , ut extra refectorium edant carnes : cùm in illis diebus præcipuè regularis disciplina sit studiosius observanda : sed nec extra refectorium , nisi in infirmitorio , eum carnium credant sibi licere , quamquam ex indulgentia possit Abbas interdum aliquos fratrum , nunc hos , nunc illos , prout necessitas postulaverit , advocate , ipsosque secum in camera sua melius , & pleniū exhibet. Porro debiles , & infirmi , qui munitione indigent , vel aliquâ medicinâ , non seorsim in cameris , sed omnes in infirmitorio , quæ necessaria fuerint sibi , tam in carnibus , quam in aliis , recipiant competenter. Quod si quisque eorum debilis fuerit , aut etiam delicatus , ut non possit communibus cibis esse contentus , sic ei provideatur sine scandalo aliorum , ut si Abbas , vel Prior voluerit in refectorio misericordiam facere speciale , cibum aliquem competentem , non ante illum , sed ante se faciat apportari , de quo ipse faciat illi pittantiam pro sustentatione nature. Tales autem ad agenda officia monasterii deputentur , qui fideles sint , & discreti ; nec alicui committatur aliqua (m) obedientia perpetuò possidenda , tanquam in sua sibi vita locetur ; sed cùm oportuerit amoverti , sine contradictione qualibet recessetur. (n) Prior autem præ cæteris post Abbatem potens sit in opere , & sermone , ut exemplo vitæ , verboque doctrina fratres suos instituere possit in bono , & à malo revocare , zelum religionis habens secundum scientiam , ut delinquentes corripiatis , & castigatis : obedientes verò foveat , & confortet. Abbas verò , cui omnes in omnibus reverenter obedient , quanto frequentius poterit , sit cum fratribus in conventu , vigilem curam , & diligentem solitudinem gerens de omnibus , ut de officio sibi commissio dignam Deo possit reddere (o) rationem. Quod si prævaricator ordinis fuerit , aut contemptor , seu negligens , aut remissus , pro certo se noverit non solum ab officio deponendum , sed etiam alio modo secundum regulam castigandum. Cùm offensio non solum propria , vetum etiam aliena , de suis manibus requiratur : nec astimet Abbas , quod super habenda proprietate possit cum aliquo monacho dispensare , quia abdicatio proprietatis , sicut & custodia castitatis , adeo est annexa regulæ monachali , ut contra eam nec Summus (p) Pontifex possit licentiam indulgere.

## N O T A.

que referunt Yepes tom. I. chron. D. Benedicti cent. I. anno 510. Sandoval in fundar. Divi Benedicti , in princip. Secundum dicavit SS. Martyribus Cosmæ , & Damiano , quod postea dictum fuit monasterium D. Benedicti , & Sanctæ Scholastice , & est caput totius Abbatie Sublacensis , quod tam Pontifices , quam Principes secularis miris opibus ditarunt , cum jurisdictione spirituali , & temporali , ab omni que jurisdictione exemptum declararunt. Unde cum hoc præcipuum esset monasterium hujus præclaræ , & inclitæ

(a) **S**ublacensi. Ita legitur in tercia collectione , sub hoc titul. cap. 2. Sublacense hoc monasterium est Ordinis D. Benedicti in eremo Sublago dicto à tribus lacubus ibi simul confluentibus , ubi magnus Patriarcha Benedictus anno Christi 494 cecepit vitam monasticam profiteri , habitu suscepso à S. Romano , qui cùm per tres annos latuisset in spelunca , & per 35. vitam ageret , postea adificavit duodecim monasteria

## In Librum III. Decretalium,

inclitæ religionis, & in quo ejus Patriarcha priora fundamenta posuerat, valde curarunt Summi Pontifices, ut accuratè pristina disciplina monastica in eo servaretur: quare Innocentius III. dum personaliter accederet ad ipsum monasterium, & agnovisset lapsum discipline regularis in aliquibus rebus, omnia qua in hoc textu recententur, observare jussit, ut notavit Yepes ubi *sapra. fol. 27.* Unde constat, rescriptum hoc locale esse, ad monachosque Benedictinos tantum pertinere, sicut ad ipsos, & eorum vitam tantum spectant canones editi in conventu Aquifranensi temporibus Ludovici Regis anno 827. quos publicè edidit Petrus Pitheus in *i. addit. post libros Capitularium Francie*, & notis illustrarunt Yepes, & Benedictus Haæptenus. Hujus institutionis mentio extat in canonе 9. Concilii Avenionensis, celebrati anno 1209.

(b) *Lineis camisias.*] Camisias inde dictas esse docet D. Isidorus lib. 12. orig. cap. 22. quod in camis eis utatur, ibi: *Camisias vocamus, quod in his dormitorius in camis, id est in fratribus nostris. Joannes Vossius lib. 2. cap. 4. vocem Gallicam esse probat: utcunque sit, illud certum est, camisiam accipi pro ueste interula: tunica videlicet interiori, ut probat Bulengerus lib. 1. opusc. cap. 30.* Et licet primis temporibus monachi uterentur cilicio pro interiori ueste; sequentibus tamen feculis, camisias lanæ, sive stamineæ successerunt, & prolixi lineaæ interdicta fuerunt monachis. Gregorius IX. & Nicolaus IV. Cluniacensibus exprelsi interdicunt his verbis: *Ne quisquam quovis in loco camisias, aut linteraminibus lineis uti presumat.* Id ipsum Benedictinus inhibuit Benedictus XII. cap. 26. sive Benedictus ibi: *Vestiti autem jaceant Abbates, Priores, administratores, & monachi universi, tam infra quam ubique extra monasterium confitunti, lineaæ que camisias (cum sint eis exprelsi prohibiti) non utantur.* Idemque de Praemonstratenibus, Prædicatoribus, & Carmelitis refert Haæptenus lib. 5. disquis. monast. tract. 3. disquis. 8. Defendit prohibitio hac ex illo dominii precepto Matthei cap. 10. ubi Apostolis suis Dominus præcepit, ne duas tunicas haberent: ubi tunicam lanam exponit Zacharias Papa epist. 7. ad Pipinum Regem, & Episcopos Francie, c. 1. §. monach., ibi: *Monaci vero lanis indumentis juxta normam, & regulam monastica discipline, arque traditionem SS. Patrum, sine intermissione ueantur; si enim abrenunciant ea, quo feculi sunt, tota se Deo intentione contulerunt, omnibus illis debent abstinere, ut quemadmodum corpore suo sustinuerint laborem, tantum remunerations premium percipere mereantur.* Apostolis quippe divinum datum est mandatum, duas tunicas non habendi. Tunicas dixit, itaque lanæ, non lineaæ. Haec Zacharias. In quo illud singulare est, quod affirmit, per tunicas, laneas tantum significari, non lineaes, cum regulariter tunica etiam linea dicatur, ut apud Isidorum lib. 10. orig. c. 21. ibi: *Est tunica sacerdotalis linea corpori adstricta, & usque pedes descendens.* Hieronymus in epist. ad Fabiolam, de tunica talari ex lino confecta, ita ait: *Volo pro legendis facilitate abiit sermone vulgato; solem militantes habere linea, quas camisias vocant, sic aptas membris, & adstrictas corporibus, ut expediti sint vel ad cursus, vel ad prælia, dirigere jacula, tenere clavum, ensim vibrare, quocumque necessitas traxerit.* Ergo & sacerdotes parati in ministerium Dei utuntur hac tunica, ut habentes pulchritudinem vesti-

mentorum, nudorum celitatem discurrant. Ubisanus Doctor, quam prius camiliam dixerat, postea tunican vocavit. Sed adhuc defendendum est, Zacharias Pontificem recte exposuisse in d. 5. 10. Matthei, tunicas laneas esse debere, non lineaes. Tunica enim secundum Varronem lib. 4. de lingua Latina, à tuendo corpore dicitur; quo sensu tunicam accepit Paulus Jurisconsultus in l. 1. ff. de contrah. empr. ibi: *Velut si ego togam dedi, ut tunicam acciperem.* Dum ergo Dominus præcipit Apostolis, ut non peram in via, necedas tunicas possiderent, illud præcipit, ne amplius quā unum indumentum causā tuendi corporis ferent. Quod & præfensit Gloffa interlinearis ad d. 10. Matthei, ubi illa verba: *Duas tunicas, sic explicat: Nil prater indumentum, quo contentus esse potest.* Lanum ergo debuit esse, non lineum, ne rideat; affirmemus, Apostolos unico tantum linea induito habitu incedere debuisse. De qua tunica lanea accipiendi sunt D. Bened. in c. 55. regula, ibi: *Denatur ab Abbate omnia, quae sunt necessaria; ideo cencilla, & tunica, pedales calige.* D. Basilius cap. 12. sue reg. in fine, ibi: *De numero autem indumentorum nihil possumus dicere, cum manifesta definitione prescriptum sit, in qua dicitur, quod qui habet duas tunicas, det non habenti.* Nec tunc obstat canon 22. dicti Concil. Aquitani, in illis verbis: *Abbas hoc omnino provideat, ut camisia duas, & tunicas duas, & cucullas duas, & cappas duas unusquisque monachorum habeat.* Nam quod de camisias dicitur, intelligendum est de illis, quæ dabuntur infirmis, non autem in quia monachi dum valeant eis uterentur, laneas enim veltes convenienti penitentibus, & lugentibus, quales sunt monachi, cap. 2. de homicid. unde est, quod & probatur de quibusdam monachis apud Aventinum lib. 5. annal. Bojorum, quod ex laneis, linea facti essent. Latè illustrat Haæptenus lib. 5. disquis. tract. 3. disquis. 7.

(c) *Cellario.*] Cellaria annone publice apud Romanos dicebantur; nam cella proprie accipitur in l. 12. C. de divers. officiis unde & cella, locus celandis rebus aptus definitur in l. 41. ff. de legat. 1. inde cellaria denominata sunt annone apud Sulpitium Severum lib. 2. his. sacr. & cellarienses species, in l. penult. C. Thedof. de indul. debt. & cellarius, qui curam, & rationem habet cella, Martinis lib. 11. epigr. 32.

*Hinc cellarius experitur artes,  
Ut condar vario wafer sapore.*

De celario & ejus officio egi in c. unic. de syndic.

(d) *Beneficium.*] Feudum videlicet, ut expoli supra in tit. de fodiis.

(e) *In dialogo.*] Lb. 4. c. 55. causam sui sententie reddens ait: *In quibus utriusque rebus, nam morienti, alteram vero voluit prodeesse fratribus viventibus, ut illum amaritudine mortis à culpa solubilem facere, & istos avaritie tanta damnatio terroret, atque à culpa prohiberet: quod ita factum est.* Nam cum adammonius pervenisset ad mortem, atque ansie se querens commendari fratribus, & nullus è fratribus ei applicari, & loqui dignaretur, ei carnalis frater cur ab omnibus esset abominatus indicavit, qui protinus de reatu suo vehementer ingemuit, atque in ipsa tristitia sua i corpore exivit, qui ita sepulcrus est ut dixeram. Plura de pœnis monachi peculium habentis congeffii sunt in cap. 2.

(f) *Oratorio.*] De quo agemus in c. paten. de priv.

(g) *Refectorio.*] Refectorium est locus, in quo communi mensæ monachi, seu canonici accum-

bunt : & quamvis refectio æquæ de somno, atque de cibo dicatur, unde apud Cassianum lib. 3. insit. cap. 8. Reficere corpora somno : Refectio noctis ; tamen ex communi usu refectio pro cibo sumitur, & sicut ab oratione oratorium dicitur, ita à refectione refectoriorum appellatur, ut in Synodo Aqui/gran. cap. 145. ibi : In refectorio pariter reficiantur. Et eaz. 123. In refectorio quotidie una reficiantur, nisi forte qua necessitas abesse compulerit, & hoc non sine licentia Magistri fiat. Meldenf. can. 53. Ut canonici in civitate, vel monasteriis, sicut constitutum est, in dormitorio dormiant, & in refectorio comedant. Plura de ejus forma, & personis, quæ illuc ingredi valent, congeserunt Gibalinus de clausura regul. disquisit. 1. cap. 2. §. 5. Haæphthenus in disquisit. monast.

5. (h) **Dormitorium**] Dormitoriorum communis locus est, ubi monachi, seu canonici quiescent, extra quem olim nemini licebat dormire absque iusta causa. Synodus Aqui/gran. can. 134. novel. 4. & 133. Justin. Concil. Cabilon. 2. can. 59. Mogunt sub Rabano can. 16. D. Isidorus cap. 23. sue regule, ibi : Omnes divisæ lectulis in una maneat cellula, singuli vero in singulis quiescant. Synodus Aquisgran. can. 136. unde Synodus Turenensis 2. can. 14. sic statuit : Nullus sacerdotum, aut monachorum colligere alium in lectulo suo præsumat, nec licet monachis cellulas habere communes, ubi aut bini maneat, aut peculiares, ubi singulare reponi possint. Prolequantur alia de his lectulis, & dormitorio Haæphthenus lib. 12. disquis. monast. tract. 1. disquis. 1. cum sequent. Gibalin. de clausur. disquis. 1. cap. 2.

6. (i) **Silentium.**] Non semper, nec ubique esse loquendum omnibus, etiam docuit Divus Ambrosius lib. 1. de officiis, cap. 10. his verbis : Sapiens ut loquatur multa prius considerat, quid dicat, aut cui dicat, quo in loco, quo tempore. Monachis autem silentium semper commendatur, præcipue in locis ab Innocentio in præsenti expressis, videlicet continuum in oratorio, refectorio, & dormitorio; certis vero horis in claustris, quia juxta antiquam monachorum confuetudinem, cùm studium, & lectio non in cellis, sed in claustris fierent, ibidem quoque certis horis loquatio indulgebatur. Joannes Mocius in vita S. Odonis, lib. 1. ubi de Cluniacensibus agens, ait : Est & aliuss inter eos taciturnitatis modus; in incompetentibus namque horis nemo intra claustra ejusdem monasterii audiat loqui, nec se cum alio fratre jangere: quando verè duodecim celebrantur lectiones, nullus intra predicta claustra præter ad capitulum sequenti die audet loqui. Immo & has locutiones tempore Quadragesima prohibuit P. Venerabilis num. 1. his verbis : Ut quadragesimali tempore additis ad silentium tribus diebus, hoc est 3. feria, & 5. & Sabbatho, quibus in claustris juxta morem pristinum locutio esse solebat, continuum per rotam Quadragesimam teneatur. Ad quam confuetudinem respiciunt Innoc. in præsenti statuit, silentium certis horis in claustris servari. Plura de silentio, præcipue post Completorium à monachis servando, congeserunt Haæphthenus lib. 6. disquis. monast. tract. 3. disquis. 7. usque ad 13. Gazeus in notis ad Cassianum lib. 4. insit. c. 17.

7. (j) **Claustro.**] Claustrum est præcipua pars monasterii, à reliqua habitatione distinctum : unde in Concilio Turon. 3. can. 24. statuitur, Ut Abbes sollicitè provideant canonicis, ut habeant claustra & dormitoriorum. Idem cavetur in Concilio Trof. D. Gonzal. in Decretal. Tom. III. Pars II.

lejan. can. 3. & in eo olim monachi conveniebant ad lectionem, cui omnes adesse tenebantur. Concil. Meldenf. can. 53. Tam sani, quam infirmi canonici vestiuntur, atque in claustris horis congruis degant, & sub custodia canonica lectionibus, & ceteris divine institutionis inserviant officiis. Et in Concilio Mogunt. sub Carolo, can. 9. jubetur, ut canonici clericci simul manducent, & simul dormiant, & in suo claustro maneant, per singulos dies primo mane ad lectionem veniant, & omnes simul audiant. Alia prosequitur Gibalinus dicit. disquis. 1. cap. 2. §. 3.

(k) **Carne reficiatur.**] Consonant caput monachi, de confec. diff. 5. Clement. I. hoc tñ. D. Hieronymus epist. 22. Vivitur pane, leguminibus, & oleribus, que sole condituntur. Sanctus Ephrem proverb. cap. 19. Insolentia, & immodestia est monacho velle animalibus. Ab omni enim ævo qui pietate colebant, à carnibus sibi temperarunt. Hinc Sanctus Chrysostomus, Theodoreus Peterius, & alii sentent, ante diluvium non interdictum, sed licitum fuisse eum carnium; ab eo tamen abstinuisse virosteligiosiores. puta posteros Seth, eo quod Deus assignans homini cibum, expressè tantum signavit olera, non autem carnem, dicens : Ecce dedit vobis omnia herba afferentem semen super terram, & universa ligna, que habent in semetipsis fermentum generis sui, ut sint vobis in escam. Genesis capite 21. Landat hanc abstinentiam Pythagoras apud Ovidium lib. 15. Metamorph.

At versus illa etas, cui fecimus Aurea nomen,  
Fertilis arboreis, & quas humus educat herbis:  
Fortunata fuit, nec polluit ora cruento.  
Tunc & aves tute movere per aera penas  
Et lepus impavidus mediis errauit in arvis.  
Facit Boëtius lib. 2. de confol. metro 5.

Felix nimium prior etas,  
Contenta fidelibus arvis,  
Nec inertis perdita luxu,  
Facili qua serà solebat  
Fejuria solvere glande.

Religionis titulo id factum Plato afferit lib. 6. de legibus, ibi : A carnivibus majores nostri abstinerunt, tanquam pius non esset illas edere. Sed quia regulæ D. Benedicti ita cavebatur : Carnum vero quadrupedum omnino abstineatur comestio; nonnulli crediderunt bipediis etiū monachis non prohiberi, ut tradit Theodoreus Abbas Caffinenus in hac verba : Sed de esu volatilium tam canté Pater noster prudenterissimus in sua regula posuit, ut si vellent comedere monachi, cum opportunum est, non subjaceant culpe. Si autem eis à suo tale edulium non præbatur Abbate, ut quiescat debito, non possint requirere; multi tandem fratrum nostrorum nec volatilia comedunt. Rabanus Maurus lib. 2. insit. cleric. c. 27. ibi : Avium esum credo inde à Parisibus permisum esse, eo quod ex eodem alimento de quo & pisces, create sunt; nam in regula monachorum non inventimus altiarum carnium esum eis contradictum, nisi quadrupedum. Sed verius est à D. Benedicto tam quadrupedum, quam bipedum esum esse prohibatum, ut cavetur in Synodo Aquisgran. can. 8. ibi : Ut volatilia intus, forisve, nisi pro infirmitate, nullo tempore comedant, nec Episcopi ut edant, præcipiant. Lantdmeter. de veteri cleric. lib. 2. p. 2. c. 7. latè probant. & defendunt Haæphthenus lib. 10. disquis. monast. tract. 3. disquis. 1. cum sequent. Yepes tom. 3. chron. D. Benedicti, anno 777. Bravo ad regulam ipsius sancti cap.

Rr

cap. 36. & nos dicemus in cap. 1. de clero venu-  
tore.

10. (l) *Solemnitatibus.*] Natali videlicet Domini.  
& Pascha Synodus Aquisgran: can. 78. *Volarilia*  
in Natali Domini, & in Pascha tantum quatuor die-  
bus, si est unde comedant, habeant. Si vero non fne-  
rit, inde non requiratur per debitum: si autem Ab-  
bas aut monachi abstinere se voluerint, in eorum si  
arbitrio.

(m) *Obedientia.*] Seu Prioratus, juxta tradita  
in cap. 2. hoc it.

(n) *Prior autem.*] Debet enim eligi unus ean-  
dem Religionem expresse profesus, qui præficit ca-  
teris, de quo, & ejus officio egit suprà in  
cap. 2.

11. (o) *Reddere rationem.*] Consonat D. Benedit-  
tus cap. 2. sua regule, ibi: *Sciaturque, quia qui suscep-  
pit animas regendas, preparet se ad rationem red-  
dendam.* Et cap. 63. *Coguer semper, quia de omni-  
bus judiciis, & operibus suis redditurus est Declaratio-  
nem.* Cujus oneris gravitatem exponit Haeraphe-  
nus lib. 3. disquisit. monast. tract. 5. disquisit. 4. ad  
finem.

12. (p) *Pontifex valet.*] His verbis moti quam-  
plures docti viri existimarent, Pontificem non pos-  
se dispensare in voto solemni castitatis, ita ut mo-  
nachus, vel Subdiaconus possint ritè, & validè ma-

trimonium contrahere. Ita docuerunt Sotus lib.  
7. de iustitia, quest. 4. articul. 2. & in 4. disp. 38.  
quest. 2. articul. 2. conclus. 2. Sylvester verbo volum. 4.  
quest. 5. Mandosius de signatura gratie, verbo Com-  
mutatio, column. penult. alii congesti à Thoma  
Sanchez lib. 8. de matrim. disput. 8. num. 6. Alii ta-  
men, licet in voto solemni castitatis dispensare  
non posse doceant, tamen in voto paupertatis dis-  
penfare valere tenerunt. Ita Lessius libro 2. de ju-  
stitia, cap. 40. dub. 14. num. 112. Azor. tom. 1. in-  
st. lib. 12. cap. 7. q. 2. Sed contrarium, immò tam  
in voto paupertatis, quam castitatis posse Pontifi-  
cem dispensare, docuerunt Menochius lib. 2. de  
arbitr. casu 421. Chopinus de sacra pol. lib. 2. tit. 1.  
num. 22. Albertinus de agnoſc. quest. 23. qui refutat  
Alexand. VI. dispensasse cum Cæfare Diacono Ca-  
rdinali, ut in uxorem duceret filiam Ducis Valen-  
tiniani. Acuña in cap. de illis 4. 32. distinct. num. 5.  
Diana part. 8. tract. 3. resol. 100. Stephanus Duran-  
tius qq. iur. quest. 7. Araujo tract. 1. qq. mor. quest.  
19. per tor. Thomas Delbene p. 2. de offe. Inquisit.  
dubit. 25. sect. 66. Rouffelius lib. 1. hys. Pontif. ju-  
risdict. cap. 5. Martinez à Prado tom. 1. Theolog.  
moral. cap. 31. quest. 14. §. 3. & alii plures, quos  
congessi in can. 13. Concil. Illiber. ubi  
præsentem textum ex-  
posui.

## C A P U T VII.

Idem in Concilio (a) Generali.

**I**N singulis Regnis, sive Provinciis, fiat de triennio in (b) triennium, salvo jure diœc. Pontif. commune (c) Capitulum Abbatum, atque (d) Priorum Abbates proprios non habentium, qui non confuerint tale Capitulum celebrare, ad quod universi con-  
veniant præpeditionem canonicam non habentes, apud unum de monasteriis ad hoc aptum, hoc adhibito moderamine, ut nullus eorum plusquam lex (e) evæctiones, & octo personas adducat. Advocent in hujus charitatis, vel novitatis primordiis duos (f) Cistercien. Ordinis vicinos Abbates, ad præstandum sibi consilium, & auxilium opportunum, cùm sint in hujusmodi Capitulis celebrandis ex longa consuetudine pleniū informati: qui absque contradictione duos sibi de ipsis assident, quos viderint expedire: ac ipsi rv. præsente Capitulo universo; ita quod ex hoc nullus eorum sibi auctoritatem prælationis assumat; unde, cùm expedierit providâ possima deliberatione mutari. Hujusmodi verò Capitulum aliquot certis diebus continuis juxta morem Ci-  
stercien. celebretur, in quo diligens habeatur tractatus de reformatio[n]e Ordinis, & ob-  
servantia regulari: & quod statutum fuerit illis quatuor approbantibus, inviolabilitet obseretur, omni excusatione, & contradictione, ac appellatione remotis, proviso nihilo minus, ubi sequenti termino debeat Capitulum celebrari. Et qui convenerint, vi-  
tam ducant communem, & faciant proportionaliter simul omnes communes expensas; ita quod si non omnes poterunt in eisdem, saltem plures simul in diversis domibus commo-  
rentur. Ordinentur etiam in eodem Capitulo religiose, ac circumspecte personæ, quæ  
singulas Abbatias ejusdem Regni, sive Provinciæ, non solum monachorum, sed etiam  
monialium secundum formam sibi præfixam vice nostra studeant visitare, corrigentes, &  
reformantes quæ correctionis officio viderint, & reformatio[n]is indigere: ita quod  
si Rectorem loci cognoverint ab administratione penitus admovendum, denun-  
cient Episcopo proprio, ut illum amovere procreet. Quod si non fecerit, ipsi vi-  
sitorum hoc referant ad Ap. Sed. examen. Hoc ipsum regulares canonicos secundum  
Ordinem suum volumus, præcipimusque observare. Si verò in hac novitate quicquam dif-  
ficultatis emerserit, quod per prædictas personas nequeat expediti, ad Ap. Sed. judicium  
absque scandalo referatur, cæteris irrefragabiliter observatis, quæ concordi fuerint  
deliberatione provisa. Porro (g) dioceſani Episcopi monasteria sibi subjecta ita  
studeant reformatæ, ut cùm ad ea prædicti Visitatores accesserint, plus in illis in-  
veniant.